

## **PANDUAN RINGKAS UNTUK PENGIMPOR**

### **IMPORT**

Import adalah merujuk kepada membawa atau menyebabkan dibawa ke Malaysia melalui darat, laut atau udara atau dengan apa-apa cara lain.

Untuk mengimport barang ke Malaysia, anda dikehendaki membuat pengikraran kepada Jabatan Kastam Diraja Malaysia (JKDM). Duti Import, Duti Eksais, Cukai Jualan akan dibayar ke atas barangan yang tertakluk kepada duti/cukai jika barangan tersebut diimport untuk kegunaan tempatan.

### **PROSEDUR IMPORT UMUM**

#### **LANGKAH 1: PENGIKRARAN KASTAM**

Semua pengimportan barangan ke Malaysia hendaklah diikrar oleh:

1. Ejen Kastam yang dilantik (semakan boleh dibuat di <http://www.mytradelink.gov.my/trade-associations>); atau
2. Pengisytiharan Sendiri (Program AEO - Portal AEO [http://customsgc.gov.my/index\\_aeo.html](http://customsgc.gov.my/index_aeo.html)); atau
3. Pengguna Langsung (*Direct User*)

#### **LANGKAH 2: KLASIFIKASI BARANG**

Pengimport perlu mendapatkan pengesahan mengenai barangan yang akan diimport ke Malaysia sama ada ianya tertakluk kepada sebarang duti / cukai dengan mendapatkan kod tarif yang betul bagi barangan berkenaan. Kod tariff boleh disemak dengan merujuk kepada:

1. *HS Explorer* <http://mysstext.customs.gov.my/tariff/>; atau
2. Dapatkan khidmat nasihat daripada Bahagian Perkhidmatan Teknik, Cawangan Klasifikasi, Tarif dan Penggubalan, JKDM <http://www.mobile.customs.gov.my/edirektori/portal-branch?x=8>; atau

3. Semak dengan Perintah Duti Kastam 2017  
[http://www.federalgazette.agc.gov.my/outputp/pua\\_20170103\\_P.U.\(A\)52017.pdf](http://www.federalgazette.agc.gov.my/outputp/pua_20170103_P.U.(A)52017.pdf)  
(tertakluk kepada pindaan); atau
4. Semak dengan Perjanjian Perdagangan Bebas yang berkaitan (FTA)  
<https://fta.miti.gov.my/>

### **LANGKAH 3: SEMAK SAMA ADA BARANG BERKENAAN ADALAH BARANG KAWALAN ATAU BARANG LARANGAN IMPORT**

1. Semak sama ada barang yang hendak diimport adalah barang terkawal atau tertakluk kepada larangan import atau sekatan oleh pihak berkuasa.
2. Semak sama ada barangan berkenaan memerlukan *Permit* Import / Kelulusan dari Agensi Kerajaan Lain (OGA) atau Agensi Pengeluar *Permit* (PIA). *Permit* / kelulusan perlu diperolehi sebelum sebarang pengimportan dilakukan.
3. Semakan boleh dibuat melalui Perintah Kastam (Larangan Mengenai Import) 2017  
[http://www.federalgazette.agc.gov.my/outputp/pua\\_20170404\\_P.U.\(A\)103\\_Import.pdf](http://www.federalgazette.agc.gov.my/outputp/pua_20170404_P.U.(A)103_Import.pdf)  
(tertakluk kepada pindaan)

### **LANGKAH 4: PENGIKRARAN & PENYEDIAAN DOKUMEN UNTUK PELEPASAN KASTAM**

Setiap pengimport hendaklah membuat pengikraran penuh dan benar mengenai barang-barang yang diimport, secara sendiri atau oleh ejennya semasa kedatangan atau pendaratan barang-barang tersebut di Malaysia.

1. Pengikraran pengimportan adalah menggunakan Borang Kastam No.1 (K1) secara elektronik.  
Pautan : <http://www.dagangnet.com/trade-facilitation/edeclare/>
2. Mengemukakan *permit* import semasa membuat pengikraran kastam sama ada secara elektronik atau *hard copy*.  
Pautan : <http://www.dagangnet.com/trade-facilitation/epermit/>

Pengimport atau ejennya hendaklah mengemukakan dokumen seperti yang diminta oleh pegawai kastam yang hak untuk tujuan menaksir apa-apa pengikraran yang dibuat oleh pengimport itu. Senarai dokumen sokongan adalah seperti berikut:

1. *Bill of Lading / Airway Bill*
2. Invois
3. *Packing List*
4. Sijil Tempat Asal (*Country of Origin Certificate*) (jika berkenaan)
5. Dokumen-Dokumen lain yang berkaitan

#### **LANGKAH 5: PEMERIKSAAN BARANG**

Pihak berkuasa (JKDM) berhak untuk memeriksa *consignments* bagi memastikan pengimportan tersebut mematuhi undang-undang dan peraturan. Mana-mana pegawai kastam yang hak boleh menjalankan pemeriksaan fizikal pada mana-mana barang apabila diperlukan.

#### **LANGKAH 6: PEMBAYARAN DUTI / CUKAI**

Duti / cukai yang kena dibayar ke atas barangan yang diimport hendaklah dibayar oleh pengimport pada saat kedatangan barang tersebut. Pembayaran duti / cukai boleh dibuat di kaunter atau melalui pembayaran atas talian.

Pautan : <http://www.dagangnet.com/trade-facilitation/epayment/>

#### **LANGKAH 7: KELULUSAN KASTAM**

Barang yang hendak diimport boleh diluluskan untuk dilepaskan dengan syarat duti / cukai telah dibayar dan *permit* (jika berkenaan) telah diperolehi.

#### **LANGKAH 8: PELEPASAN KASTAM**

Pelepasan kastam boleh dibenarkan setelah semua tindakan yang telah ditetapkan oleh pihak JKDM telah dipatuhi dan dipenuhi.

#### **LANGKAH 9: MENYIMPAN DOKUMEN**

Rekod-rekod pengimportan hendaklah disimpan di dalam Malaysia untuk tempoh tujuh (7) tahun, kecuali sebagaimana yang diluluskan oleh Ketua Pengarah tertakluk kepada apa-apa syarat yang dikenakan olehnya.

#### ***Catatan:***

***Setiap peninggalan atau pengabaian untuk mematuhi, dan setiap perbuatan yang dilakukan atau cuba dilakukan berlawanan dengan, peruntukan-peruntukan Akta Kastam 1967, atau apa-apa pelanggaran syarat dan sekatan yang tertakluk kepadanya, atau berdasarkan, apa-apa lesen atau permit dikeluarkan atau sebarang pengecualian diberikan di bawah akta ini, adalah suatu kesalahan terhadap akta ini.***